

---

## БЕШАРИҚДА ПИЛЛА РЕЖАСИ ОРТИҒИ БИЛАН БАЖАРИЛДИ

Бугун Бешариқ тумани пиллакорлари зафар маррасига етиб келдилар. Давлатга пилла сотиш шартномавий режаси ортиғи билан бажарилиб, жами 201,4 тонна қимматбаҳо саноат хом ашёси йиғиб олинди. Ушбу муносабат билан туманда ташкил этилган пилла байрамида вилоят ҳокими Хайрулла Бозоров иштирок этиб, илғор пиллакорларни совғалар билан тақдирлади.

Туманда фермер хўжаликлари ҳамда касаначиларга 24 та ипак қурти уруғини жонлантириш инкубаториялари орқали тарқатилган 3530 қути ипак қурти зооветеринария қоидалари асосида парвариш қилинди.

Туман бўйлаб 3530 та оила билан бир қутидан ипак қурти парваришлаш бўйича ички шартномалар тузилган бўлиб, қурт боқиш жараёнида жами 6000 дан зиёд мавсумий иш ўрни яратилди.

Бешариқ пиллакорлари ҳар қутидан ўртача 58 килограммдан пилла ҳосили етиштирилиб, пилла етиштириш режасини 101,4 фоизга бажардилар. Илҳомжон Аҳмедов, Бахтиёр Шерназаров каби кўплаб илғор касаначилар бир қути уруғдан 70 кг гача пилла етиштирдилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-05-30 10:24:07